

四庫全書

集部

欽定四庫全書

集部

石倉歷代詩選卷三百六十一

詳校官編修臣謝振定

侍讀臣孫球覆勘

總校官進士臣朱鈐

校對官主事臣張慎和

謄錄監生臣朱衣

欽定四庫全書

石倉歷代詩選卷三百六十一

明 曹學佺 編

明詩初集八十一

梁寅

擬古

獨處衡門下慨然思九州我馬苦疲怯山川多阻修豐
草被長坂麋鹿或羣遊蔚彼嘉樹陰鳴禽自相求彼物

各有適而我何寡儔日月雙車輪恒恐不少留願與二三友朝夕論王猷毋為自局促窮廬悲白頭

其二

名都少年子金多矜富强連雲起甲第峨峨擬侯王外
廐駢騏驎侍女羅姬姜豪貴相經過綺席飛瓊觴言辭
氣凌人歡樂殊未央嘲笑東隣士晏食惟糟糠豔豔桃
李花隨時逞妍芳豈知易零落榮華安可常

其三

欽定四庫全書

石倉歷代詩選卷三百六十一

明 曹學佺 編

明詩初集八十一

梁寅

擬古

獨處衡門下慨然思九州我馬苦疲怯山川多阻修豐
草被長坂麋鹿或羣遊蔚彼嘉樹陰鳴禽自相求彼物

各有適而我何寡儔日月雙車輪恒恐不少留願與二三友朝夕論王猷毋為自局促窮廬悲白頭

其二

名都少年子金多矜富强連雲起甲第峨峨擬侯王外
廐駢驥驥侍女羅姬姜豪貴相經過綺席飛瓊觴言辭
氣凌人歡樂殊未央嘲笑東隣士晏食惟糟糠豔豔桃
李花隨時逞妍芳豈知易零落榮華安可常

其三

昔常好名山五嶽期徧歷思見松與喬再拜問仙液微
生累妻孥常為饑凍役歎此血肉軀何以生羽翼諒非
金石固服食竟何益不如安我常百年順所適

其四

驅馬出東郭松林見高墳云是公侯葬華表千層雲歲
月既已遠朽石生荆榛虺蛇或內蟄狐狸當晝蹲芻兒
歌其上死者寧復聞感此長太息浮生若飈塵惟當宣
令德千載逝猶存

其五

我有太古琴千年妙音續七絃何泠泠聽之非促邀一
彈文王操再彈宣父曲聖人宛見之何由躡其躅大道
日以淪澆詭馳衆欲孰思障頽波九州反淳俗夔龍為
股肱巢許邀巖谷窮通各有志於我奚不足

題印主事罷釣軒

曲池照林塢百尺懸蘿陰開軒坐垂釣水清如我心小
魚易傷生大魚或淵沈投竿為之惻于此悔悟深名區

縻好爵都市爭黃金但戀鉤餌馨豈知憂患侵濯足南
澗流振衣北山岑既羞結網罟何必漈釜鬻物生免相
賊嗜欲常自禁嘉此古人意託之金石音

簡伯英伯筠見訪雨留信宿

谿谷雲晝合東林微雨來二友歛俱至一見紆中懷掃
我茆茨室為君緇帙開上言風雅醇下言豔歌諧何以
相淹留清醕不盈杯何以為遠贈愧無瓊與瑰煦風失
堅氷谿水流潛潛歸鴻正翱翔浮鷺散參差告我遽言

旋定省恒懼乖懿此孝友心令德善自培願為王國士
無愧北山萊

暇日過吳子亮寶執齋偶賦

長安繁華子錦綺為衣裾千金歐冶劍百金大秦珠腰
帶玉麒麟馬鞭青珊瑚關鷄杜陵曲走馬黃山隅一朝
慕文學謝遣輕儇徒出市賣駿馬下帷事詩書落筆追
班揚開口論唐虞既膺丞相薦詔徵詣公車三十秘書
郎四十諫大夫不登金張門掉臂許史廬結知萬乘主

獻策九重居里間共嗟嘆金玉竟何須六藝信為寶少
年莫自疎

寄阮謙仲

聞君江海士不減嗣宗賢酒共名流飲詩從野客傳登
山經楚甸踏雪上吳船急景心常惜冥搜思獨玄圖成
輞川上花憶浣溪邊窗戶山擎月樓臺樹接天珍藏太
史錄刺集小山篇何日叅佳論臨流思渺然

李辰州黑首白馬歌

李侯名馬姿相別赤駟紫燕俱下列頭純黑色身徧白
一片陰雲兼積雪自言辰州初買時城門走試驚驪馳
少年旁觀皆歎息前者未聞今見之矯如玄龍躍春水
巨浪掀騰玉鱗起夜將金絡光可觀畫鞵銀鞍色相似
東還豫章今幾載黃金可市當十倍長鳴冀北羣已空
血戰陰山意常在吁嗟李侯才更賢虬鬚燕領神凜然
披雲踏雪趨幽燕按轡飛鞚朝九天九重詔拜大都護
揚鬣願逐雙旌去

題龔氏皆山樓

我聞仙人十二樓乃在白雲之島丹霞之洲君家結樓
在人世何為祇戀山巖幽山中紫芝日堪茹亦有白石
可煮為珍羞八窗何玲瓏七星掛簷頭翩翩玄鶴度
甞甞蒼鹿遊千丈松間來遠颺萬年石上鳴寒流憑高聽
韻不知倦足以滌蕩人間之閒愁君家渝水南吾廬相
望不百里山樓閱世凡幾年今重構之良有以昔聞飛
甍為瓦礫瓦礫再見飛甍起玉堂學士記果成南郭先

生詩更美日延賓客喜多暇誦文歌詩夜未已有時鉤
簾風翠入舉觴談詠烟霞裏嘈嘈天籟悅心耳石為豆
登泉作醴樓上朝復朝山中年復年隱君之樂何陶然
金丹可遇不可求遣情以酒亦得仙春江花草可翫惜
秣陵風月宜招延心常愛此樓外之青山千峰萬壑森
復先醉翁之樂樂無極山中之人相與長周旋

西門行

出西門安所逢所逢皆少年稀見白頭翁人生如春花

朝競陽艷夕空叢百年流光能幾何
幼而蚩蚩老歎蹉跎歡日苦少愁日苦多
勸君美酒聽我歌寧為貧賤之娛樂
無羨得意之奔波

車遙遙

車遙遙江上路知君心與江水東
水可停流東不駐出門望風沙碧雲在
天涯少年萬里志那思早還家跋涉
紛紛霑綺疏春來春去傷離居丈夫
官幕執金吾敢云富貴非良圖託身自誤
不自怨惟願羊腸九折無推車

大堤曲

大堤女兒顏如花，穠粧綺服踏江沙。
折花鬪草歸來倦，小樓閒坐彈琵琶。
玉釵金蟬雲鬟整，江水照見花枝影。
舟中少年久凝望，如飲春醪昏不醒。
焉知美人心險若，羿與機令爾黃金一朝揮。
魚向深淵藏，鳥逐層雲飛。
勸爾慎勿癡，且惑縱有多金不如歸。

楊白花

楊白花可憐，白雪飛暮春。
文窗翠牖日方永，楊花撲面

空惹人縈簾復度幕度幕復縈簾向夕春風起愁人愁
轉添願倩春風一吹去點郎繡衣暫回顧

黎明善同宿觀陰何詩因賦

桂館閱妍詠酌醕却杯深微寒風墜葉斜光月隱林鵲
定屢翻翅鴻遙尚流音誰知此夕意即是昔人心

夏曉

露歇曙雲涼命童耕烟草貪眠人起遲無憂鳥啼早土
著罕工商澗流沃秔稻樂此巖下居時康慰衰老

玉階怨

團扇久弃置夕氣涼轉添流螢點魚鑰墮葉近蝦簾羅
衣舊恩賜不令珠淚霑

何伯遜見訪贈詩和答

百里來尋水竹村鵲聲將喜報衡門山中白石聊同煮
世上黃金未足論詩似陰何思更苦跡追園綺道尤尊
貧家無物堪娛客一樹寒梅映雪軒

登吳山

樹繞青峰錦繡迴仙樓十二競崔嵬雲飛滄海山無盡
潮撼長江雨併來吳相忠魂祠宇在宋皇行殿梵宮開
東南都會金城廢竟日湖船絲竹哀

次韻姜叔德冬雪

黃雲幕幕四山圍翻海陰風撼竹扉珠向美人簾下撒
花當歸客馬前飛夜窗銷燭增寒氣曉艇掀篷失翠微
豪俊不誇金帳飲新詩聯壁自生輝

都下將歸宿石城門外和李仲淵知縣晚過上

林之作

杜曲風光尺五天，驕驄嘶過酒樓前。
龍輿陌路疎疎雨，鳳闕觚棱淡淡烟。
上相綵旂歸柳外，王孫金彈落花前。
臨流有客題佳句，不羨春風歌舞筵。

抵豫章寄淡溪姜氏叔範叔德叔用叔謙

長羨姜侯兄弟賢，幽人庭戶水雲邊。
花開舊樹觀生意，竹長新叢勝往年。
留客共尋垂釣侶，愛孫仍蓄買書錢。
相親少壯今華髮，一念睽離一悵然。

怨歌行二首

雲母屏風零露涼
蒲萄錦衾殘月光
羞看繡帳雙鴛帶
徒費薰衣百和香

寶釵頭上千黃金
可憐墜井無復尋
情如秋嶺朝朝峻
愁似春江日日深

京城橋南寓館雨寒詠懷

故園梅花想徧開
京城日日苦寒催
縱使還家將歲盡
也勝為客又春來

謝矩

寄文一姪

湖海老為客行行身獨單
念汝久睽離十年應未還
邈哉漁陽城萬里程途難
讀書不負志寧辭遠家山
努力踵遺芳庶可慰衰顏
封詩遠寄將臨風淚潺潺

送劉孝廉省親

酌君西亭別離酒贈君陽關斷腸曲
秋江落日芙蓉紅不忍雙眸凝遠綠
憶昔同窻話知己幾度芹宮看秋水

君今萬里奉晨昏好把辛勤事甘旨丈夫志氣本四方
政須念昔懸弧桑鴈聲後夜楚天碧倚樓我亦遙相望

舟行

朔雪釀嚴寒舟行午亦眠風狂帆自落堤遠纜須牽柳
線垂新歲梅花尚舊年相逢盡湖海一笑晚霞前

溪雲堂為陸進士賦

卜築向林泉雲深若洞天無心來遠岫有脉自深淵
舞添晴影松鳴動壑絃道人名利淡對此足忘年

詠日本人

浮杯東渡海天外遠遊人席地還存古圓髓不尚巾結
跏趺貝葉合掌禮金身聖德如天大華夷圖一春

京口

六代風流地江南第一州東通吳會郡西接漢湘流鐵
甕城何壯金山寺更幽維舟試登覽今古若浮漚

答勇齋張先生見懷韻

伯兮清譽重丘山叔也今欣解組閒書屋三間雲掩映

江村一曲水迴環青雲羨爾人中傑白髮慚予鏡裏顏
逸興緬懷陶靖節東籬共採菊爛熳

攜李

嘉禾呈瑞表神州負海連江拱上流澤國風生太湖曉
華亭鶴唳九臯秋讀書堆廢空陳迹會景堂空感舊遊
自愧行人窮歷覽慨思今古不勝愁

金陵

六朝事迹盡灰飛千古江山自夕暉晉殿吳宮雲淡淡

宋陵梁墓草依依鷄籠館廢蹤還在玉樹庭空鶴已歸
龍虎依然有佳氣五雲深護帝王畿

淮陰

淮柳吹花風漫狂平郊凝望歎興亡劉伶臺下樽空酌
韓信祠前草已荒篤行王祥真孝友童年甘相妙文章
英賢逝矣知何在人物于今邁漢唐

嚴先生祠

碧水潺湲七里灘白雲縹緲富春山玄纁自愛羊裘好

諫議何如釣叟閒星象已占驚御座故人猶自眇龍顏
君臣高大真奇遇千古芳名不可扳

袁安卧雪

雨雪霖霖行路難先生久矣困長安劍書不羨朱門貴
布被都忘白屋寒何意使君勞獨問由來人事不相干
孝廉名重當時舉未許終身賦考槃

次胡雲屋南湖韻

滕六呈祥散作花梵王宮殿玉為家林間漸見成銀樹

江上遙看盡白沙寒擁貂裘圍活火暖同絳帳酌流霞
老禪清致誰能比旋汲新泉為煮茶

客館次徐八見示韻

曉起園林萬玉加紛紛袞亂周遮冷凝岼岼難舒眼
寒壓江梅不放花銀浪開時漁舉網青烟濕處客烹茶
僑居喜遇徐公子好約歸乘剡水槎

西山亭

亭草萋萋一徑微升沈烏兔竟何歸客來拄笏風生爽

人醉鉤簾雨過稀
逝水斜陽同一色
落霞孤鶩每齊飛
浮雲富貴非吾欲
且向山中啖蕨薇

耕隱為胡拱辰賦

幽居人事絕
紛紜俯仰深
資寄耔耘桑
柘影深成委
巷烟花開滿
起清芬春風
綠漲犁鋤雨
秋日黃連黍
稌雲對此笑
歌堪永歲況
聞賢器靜脩勤

次鹿苑珣講主韻

路入南湖步屨遲
梵王宮闕每遐思
已知惠遠許携酒

更愛已公能賦詩安靜著身心地闢蘿雲覆地月陰移
相逢愧我羈塵網老大徒傷兩鬢絲

送鄭教授先生考滿之京

九載黌宮教雨施又看考績上京師驛亭竹葉香浮掌
官路梅花雪亞枝驥足升騰從此始鳳音書最復何疑
平安毋惜頻頻寄千里雲山有所思

椿庭壽日客中有感

去歲茲辰捧壽觴憐兄獨客在他鄉
爾窩春到歌筵暖

竹屋風生綺席涼親友舉觴隆燕會兒孫拜舞列鸞行
今年却愧身為客回首家山欲斷腸

次姚江散人

車書一統聖皇恩至澤均霑四海濱作客遠看淮甸月
放舟賸載武林春傷心桃李隨流俗回首鄉關少故人
便欲乘舟賦歸去雲山依舊是比隣

離家

暮出閨閣賦遠遊乘風緩步到江頭舟維渡口待潮發

月滿沙邊生客愁良友論文欣裨益生涯隨分敢貪求
何時脫却江湖念歸老家園卜隱丘

鎮江晚泊

向吳亭下暮春晴揚子江頭晚汐平雲氣倒連嵐氣濕
水光上接月光明龍宮隱約金山寺雉堞參差鐵甕城
悶倚蓬窗成永歎故鄉千里獨關情

病中書懷

一春苔徑絕行踪耳目腰肢百病攻寫字讀書閒白日

落花啼鳥任東風老懷不向酖醕裏逸興都歸夢寐中
造物戲人何若此倚欄搔首思冲冲

山行

紵服芒鞋興趣長溪山登濯足徜徉翠巖雨過秋雲曠
蘭若風生夕沼涼遠浦漁歌來窈窕空崖樵唱起微茫
誅茆便欲來居此十畝園池一草堂

瓢樂齋為陳醫士賦用韻

陋巷簞瓢樂所居雅情真與世情疎杏村雨過春九樂

竹戶晴開晝讀書

舟行

黃山門上早潮平
風送樓船一羽輕
鼓櫂江陰始亭午
謾開樽酒慰羈情

偶述

少年時節競繁華
老大無成只歎嗟
閒裏春光今又半
梅花落盡到楊花

酬戴竹所惠七觀石刻詩韻

春容雅製一團春
松雪精書八法新
珍重摹來情更厚
小窗展玩憶前人

題推蓬圖

扁舟曾記酌西湖
笑倚東風醉莫扶
酒醒不知天已暮
梅花枝上月輪孤

題小畫

撒罷絲綸漾小舟
綠陰祇在水西頭
得魚換酒尋常事
日暮歸來且暫休

次錢廣文感懷

茆齋清味自來甘
飲伴吟哦日醉酣
為問洛陽賢令尹
閉門風雨幾人諳

題雲山景

山杳雲深路更紆
綠楊深處結吾廬
春風淡蕩鳥聲寂
時有良朋訪起居

鄭元祐

題商德符贈周隱君圖

玉堂商公五色筆硯均能令海水立終南泰華春雲開
草木龍葱紫烟濕仙人樓觀山之阿中有采芝人歎歌
待渡者誰欲相過盤盤磴道開烟蘿吳下周君學仙久
與君素為方外友萬金持贈君不顧得此夜光衝戶牖
自公騎箕君亦老百靈與之護珍寶藏之名山同不朽
長有空歌下蓬島

宮詞

曲曲闌干水殿涼紅綃扇底芰荷香按歌誤觸鴛鴦起

玉漏今宵分外長

王蒙

林泉讀書圖

調古世寡和材疎自無羣種玉閔奇術還丹隱玄文披
裘負薪士拾金罕所聞雖無箕潁節亦不慕高勲石田
長芝草暮春自耕耘曲肱抱耒耜長歌至日曛所樂良
在茲沒歲復何云

客中感懷

十年蹤跡厭紅塵功業無成白髮新夢裏不知身是客
覺來惟有影相親夕陽衰草染園暮細雨閒花楚水春
馬足經行今幾度溪山應笑未歸人

宮詞

南風吹斷采菱歌夜雨新添太液波水殿雲廊三十六
不知何處月明多

荆溪懷古

太湖西畔樹離離故國溪山入夢思跨鶴未歸人世換

歲時誰祭斬蛟祠

錢維善

題杜子美像

四郊多壘未還鄉
又別潼關謁鳳翔
九廟君臣今避難
十年弟妹各殊方
中興百戰洗兵甲
萬里一身愁虎狼
寂寞羈懷嗟老瘦
按歌懷古恨茫茫

西湖竹枝詞

阿姊住近段家橋
山如蛾眉柳如腰
黃龍洞前黑雲起

早回家去怕風潮

張昱

歌風臺

世間快意寧有此亭長還鄉作天子沛宮不樂復何為
諸母父兄知舊事酒酣起舞和兒歌眼中盡是漢山河
韓彭誅夷黥布戮且喜壯士今無多縱酒極歡留十日
感慨傷懷涕沾臆萬乘旌旗不自尊魂魄猶為故鄉惜
從來樂極易生哀泗水東流不再回萬歲千秋誰不念

古之帝王安在哉莓苔石刻今如許幾度秋風灞陵雨
漢家社稷四百年荒臺猶在開基處

呂敏

書雲林圖

蔥蒨夏林綠高齋方夕曛幽花垂泣露遠岫歛歸雲停
簷風初至移樽酒半醺明朝憶佳賞回首念離羣

題幼文蜀山書舍圖

雲鎮蜀山秋重來佛慧遊含毫得詩句寫入畫中愁

鮑恂

次韻贈李煥章

輟棹鴛湖曲題詩竹寺幽
濟時心事在為客歲時流
逸興橫空隼閒情泛渚鷗
聊歌白石爛或可慰淹留

顧協

行路難

鳥道狹且危羊腸細而曲
長安大道如掌平紛紛冠蓋
相馳逐一朝豺虎恣縱橫
秋風滿道無人行驅車我欲

向西去落日曠野無州城行路難一何苦前有豺兮後
有虎人間大道不可行鳥道羊腸寧足數

茹湜

楊白花

楊白花身輕不由己一夕長風生飄飄渡江水江南處
處好繁華悠揚落地知誰家知誰家不復歸永巷春深
人迹稀悲歌連臂空腸斷回首長秋鴉亂飛

趙汭

贈唐宗魯

驚飈振原野草樹日已疎客子懷故林哀鴻雲外呼九
土人相食烟塵暗長途骨肉一分散東甌定勾吳側身
無津梁飛夢輕重湖荆璞時未珍所貴璉與瑚棠溪古
云利百鍊不受誣憂患啓明哲艱貞奮良圖熠熠草上
螢青青澗中蒲已感秋日短復悲冬夜徂陽光燭幽昧
陰壑羣生蘇歸舟泛春濤一觴酌伍胥

送陳子山博士遊黃山

浮丘說詩罷丹成忽為仙
荒祠託靈谷瓦缶薦寒泉
紛紜秦漢間嘉遯良獨賢
大雅久不聞支詞瀆真詮
期君發幽隱重以青瑤鐫

右浮丘祠

軒后初制作崆峒閔蒸黎
畫野定疆理無為異標枝
荒山有遺碣彷彿存蛟螭
述德豈倚相論書陋秦斯
期君刊徃牒稽首陳貞辭

右軒轅碑

絕洞下深黑寒泉瀉巖隈
中有玉蜿蜒不知何年來
隱顯與道俱泊然息風雷
石林絢金碧洞府皆樓臺
善保

至陽德春霖徧九垓

右白龍潭

空巖蔭方池丹泉何氤氲炎火孰張設蒸燉泛春溫疏
淪得深潤浮游灌靈根外達美陽休內融反胚渾翩然
披紫綺五色明朝暎

右硃砂泉

巖居觀物化掩卷獨無思空洞鑄重局閱此孔壁遺朋
來二三子竊渺強吾詩商聲出金石草樹生涼颼過門
有佳客共賞雩風辭

右絃歌洞

浹源瀑布

寒峽隱堂隍尋源觀飛布懸空下千尺飛鳥不敢度電
激山岳摧霆砰鬼神怒陰崖排積雪雨雹一時注崩騰
時斷續噴薄起烟霧隨風肆飄灑霖霖濕冠屨我來屬
時艱對此忘百慮塵襟欣一洗僮僕不忍去崇山限吳
楚僻遠誰能顧應有避秦人巖前覓微路

題米元暉江山小景

滄波浩無津揮手揚帆去迴顧江山上蒼蒼但烟樹結
茆傍洲渚豈少垂綸處終然塵迹近未極扁舟趣世運

如風颺朝新夕成故白雲何停停
修爾天際住寄謝山
中人奚為獨多慮

贈呂仲善之北平搜訪遺事

龍庭返騎如飛烟真人端拱收中原
北平圖籍載連舸
挂一漏萬無完篇妖星夜半躔奎宿
山川千載還清淑
國書不許外庭傳翰林青簡空如玉
監殷監夏思前車
詔使羣儒當疾書皇家制作貴傳信
未許太史徵無且
舊時遺文更搜訪狼籍幽燕藉君往
五車上送更披陳

一代興亡如指掌

黃星行

八月十五夜未央中天皓月懸清光大星稀少小星沒
出門四顧山蒼蒼我生不讀甘石書但見一星明且黃
今宵不見兒童怪應隨斗柄西山外石橋徙倚聞幽香
荷葉團團大如蓋黃星明夜應復來清露為酒荷為杯
舉杯漫與黃星壽自古昆明有劫灰

洛陽劍客歌為程景陽作

洛陽古稱豪傑窟奇材劍客尤超忽漢家三十六將軍
劇孟歸來如敵國爭誇玉貝高柱頤曼胡短後供兒嬉
平生耻學一人敵胸中耿耿誰能知功名何必慚蘆藎
排難解紛聲愈振白頭恨不當單于誤身竟坐封侯印
長安卿相真庸奴鬼妾鬼馬窮歡娛一朝萬事成瓦裂
金錢果為何人輸君不見洛陽劍客藏名久好盡中山
千石酒精靈變化會有時莫遣光芒射牛斗

登黃山煉丹峰尋昔人隱處

我遊黃山當嚴冬雪消日暖無天風欲求昔人棲隱處
發興況有高僧全危磴側步目已眩絕壁下瞰心為忡
交流二澗瀉寒碧樵牧不來蘿逕窮嵯峨亂石大如屋
蹴踏豺虎登虬龍手披灌木出林杪仰從雲際窺奇峰
中高一柱揭南斗旁扶兩岫森寒松文楸萬本翠如織
宛宛內蓄何冲融仙靈窟宅景象異豈與下界同汚隆
名姓無傳年代遠只有藥臼留遺蹤摩挲考擊三歎息
悵不並世來相從因憐李白升絕頂空吟菡萏金芙蓉

幾年戎馬暗南國眼前厭見旌旗紅脫身長往宿有願
把茆不用煩人工曹阮浮丘應好在山南山北會相逢

讀阮嗣宗詩

明月照北林孤鴻有哀音攬衣起坐彈鳴琴憂思徘徊
獨傷心可憐堂上生棘杞空自繁華繁桃李種瓜寂寞
青門外采薇悵望西山趾芒碭雲歸大澤空後五百歲
無英雄途窮慟哭誰知者沈湎狂言元自公

觀輿圖有感

朝雨茆茨濕披圖歎禹功山河一掌上宇宙九疇中水性惟趨下民生本易窮胼胝豈無事大智與天通

其二

四履應難辨三河尚可尋功推城濮雋澤想名陵深問鼎猶懷惡投龜肯易心向無微管歎孰憶到如今

丙申冬遊黃山

搜括山林盡誅求鳥雀悲力微思引避勢迫遂相夷誤返屠羊肆空憂漆室葵浮丘如可覓攜手訪安期

楊行密疑塚

荒郊石羊眠不起枯塚累累各相似海陵冤骨無人收
豈有兒孫來擘紙幾堆空土効曹瞞百戰江南帝徐李
龍山突兀表忠祠至今父老思錢氏

古箭渡夜談贈金元忠

相逢歲晚詩更誦燭盡枯槎談愈縱短茨低覆結冰花
寒壓溪雲不成夢竹帛烟消黔首愚紫芝一曲老商於
坑外竟逃真學士浮丘雅頌濟南書

送蔡齊賢叅政行省福建兼簡王都尉

近臣持節鎮閩中
藩府東南控制雄
率土已歸新版籍
濟時還屬舊勲庸
天開百粵蠻烟曉
地接三山海日紅
聖主宵衣勤政理
太平思與遠人同

送楊希武叅政行省山西

嘉謨碩畫合居中
出入宣勞屬望隆
纔駕六軺居薊北
還飛雙旆去河東
晉侯舊賜提封遠
漢相新瞻秩望崇
廊廟待公歸補袞
衮邊陲暫遣播皇風

題九龍菴新樓

樓觀憑虛倚玉臺
遠涵空翠絕浮埃
璿璣宵轉星辰近
沆瀣朝盈窗牖開
雷劈蒼厓龍起立
風翻碧海鶴飛迴
仙家自信春長好
應笑胡僧辯劫灰

送汪朝宗叅政行省陝西

清忠自合侍宸旒
方嶽巡行寄遠猷
西邁新聞分陝重
東歸共識相齊優
藩垣勢合雄圖遂
竹帛功成壯志酬
回首蓬萊雲海上
金陵千古帝王州

隣翁

世亂人心薄年荒虎跡多
隣翁近相戒日暮少經過

山居

高枝密葉一時空
倚杖沈吟落木中
亂後山居無紀歷
偶來林下見秋風

汪克寬

題道士張湛然彈琴詩卷

空山白桐千年枝
金星爛爛蛇蚺皮
文光七軫藍田玉

冰絃細繞吳蠶絲丹山雲暖鳳凰語露草寒蛩訴秋雨
娥英泣灑湘筠斑遷客相逢話羈旅翠巖懸瀑鏘瓊瑤
春霆霹靂轟層霄瞥波細萍遊蕩漾壁空輕絮飛飄颻
仙林唳鶴驚離別老龍湫底吟寒月海門送上子胥潮
澎湃奔騰捲晴雪羽人瀟灑顏如仙憑虛來往黃山巔
古音淨洗箏琶耳何須更濯丹砂泉

題李營丘畫驪山老姥賜李密火星劍圖

蒲山銳額千牛客蒲鶻跨犢行無跡挂角青編一束書

夢對重瞳意相得昆吾寶劍三尺水火星炯炯精光起
花冠仙姥授神奇拜起倉皇驚更喜輦南畝血盟玉盤
龍舟錦纜誅疵癥折簡唐公結昆弟威凌六月嚴霜寒
豈知不學萬人敵雄才空覺乾坤窄九卿裂地藏琬弓
稠桑土蝕銅花碧宮堯古樹蒼玉林丹厓慘澹霾輕陰
龍津歛忽風雲化未須感慨荆軻心

秋後雨

楚東五月天無雲日光流金百草焚南風吹山彭蠡涸

稻畦分坵占龜文木郎無神龍不起牡牢熏燎徒紛紛
梧桐一葉炎官老雷車轆轤天瓢倒陂池汎溢失高低
萬穠青黃發枯槁白髮田翁半憂喜却憐久雨木生耳
磨鎌欲穫泥濺胸累日陰霾黑千里何時木德守三星
五風十雨歌昇平

和人郊行

山縣千峰疊閭閻雜嶮夷雨香魚撥刺風軟燕差池郭
外耕夫耦桑中穉子嬉絃歌聲教遠民俗變澆漓

周禮

五磊晴嵐

雨歇雲收山氣濃
曉來遮徧翠芙蓉
小僮門外驚相報
失却前村五磊峰

九灣紅雨

桃花灣口錦雲開
片片隨風逐浪來
吹向前溪作紅雨
却教劉阮問天台

秋水芙蓉

秋風隔岬木蓮開掩映紅粧玉鏡臺
夜靜月明環珮響
翠雲屏裏水仙來

斗室星臨

絳燭燒殘夜二更
珮聲時雜步虛聲
玉皇案下朝初罷
星漢無雲斗柄橫

題白衣送酒圖

分田種秫釀新芻
祇為無心見督郵
若使白衣人不見
黃花孤負一年秋

李本

春日雜興

世途何險巇，疇能兩心託。
囚楚竟懷沙，美新亦投閣。
所以巢許流，韜光在巖壑。
麋鹿為比隣，烟霞恣談謔。
富貴等浮雲，俯仰無愧怍。
我我富春山，清風灑寥廓。

題畫

青天際遠水，落日明遙岑。
奮袖拂蒼石，憇此長松陰。
涼飈灑露頂，正可絃吾琴。
古調詎自秘，坐惜寡知音。
美人

隔秋水望望烟波深何當一晤語曠然諧素心

里人獲蒼鹿異之獻於官遂作南山鹿

南山鹿山頭有草林有木朝朝出遊暮歸宿文毛爛斑
聯錦錢岐角嶙峋拔青玉白日饑含洞口花清泉渴飲
巖邊谷胡為失角落塵埃也逐牛羊食人粟牧兒驚見
兩角轟傳呼兩兩三三續析木為兵石為砲踰溝越隴
相馳逐一蹶倉皇折雙足持獻長官脯其肉吻吻不向
嘉賓鳴濯濯已辭靈囿伏只念深山學仙客誰與牽車

下山麓嗚呼汝鹿最有山林情汝乃何故喪其生寄言
雲中猿鶴友莫向人間借路行

送李溫內兄從軍

四月五月南風狂大麥小麥相亞黃吳蠶成繭不及繅
慈母又縫遊子裳遊子從軍上京國賣犢粧刀助行色
西亭出祖柳正長駿馬驕嘶羈不得丈夫弧矢志四方
豈効兒女戀故鄉酒酣慷慨拔劍舞青天白日飛秋霜
聖皇開邊固無戰地盡西南置州縣獨憐殘胡喘息存

深窺窮荒逞兇悍君今名隸行伍中不用自誇兩石弓
胸中籌畫足制勝好坐帷幄叅元戎馬銜山前刁斗月
龍捲河上旌旗風我武維揚號令肅呼邪日逐爭來降
凱歌入奏明光宮從此朔南聲教同大開明堂議東封
君則長揖辭成功歸來聽我擊壤歌年豐

孤雁篇

秋高八月風力狂吹斷長空征雁行分飛漢月去影隻
叫入楚雲幽怨長獨夜愁迷荻浦雨五更夢斷蘆田霜

枯吻連朝不飲啄側身萬里遙相望相望萬里關塞隔
却憶平生長作客隨陽未飽稻梁謀遵渚常虞網羅厄
薊北江南三五羣秋涼春燠往來頻曾將捷書報邊使
更聯箏柱親佳人誰知中道兩相失漂泊天涯歸未得
開口敢出號天聲畏人且塌搏風翼錦水鴛鴦相並棲
畫梁燕子雙將雛誰憐獨有孤飛雁歲歲江湖別離歎

山居為柯定安

四百青山障俗氛數家鷄犬自相聞
茆簷低礙巖前石

木榻高樓雨後雲
晚徑樵歸憑鹿引
秋林果熟與猿分
從來懶入桃源市
自釀松花日半醺

送天童寺

青春廿里萬松關
小白前瞻太白山
度嶺路迷黃葉裏
隔溪人語白雲間
海龍護法聽金磬
野鹿叅禪獻玉環
老衲相留成信宿
浮生贏得此偷閒

經屠氏廢宅

桃源處士今何處
花落東風尚未歸
舊業盡隨芳草沒

遊魂暗逐斷蓬飛月臺鳳去瓊簫咽烟水魚沈錦字稀
惟有畫橋橋畔柳春來依舊綠依依

月湖夜泊

卧聽鐘鼓隱層城一枕烟波月二更歸夢不知鄉樹遠
浮蹤暗逐浪花輕雲埋丞相藏書塢星落將軍種柳營
盡道此中陳迹易鷄鳴還有馬蹄聲

四蟲言

余觀梅蘇諸老禽言皆無定名特以

聲之近似因寓意焉爾郊居玩物得羽鳴者

四亦若有謂然遂作蟲言云

蜂

翁翁復翁翁汝儔誰與同此翁不解世間事世間老賤
少為貴恨不鑷白還蒼童何用自口稱翁翁

蟬

遮了遮了主人屋破忙不補只愁秋來長苦雨南岡黃
茄亦易求何不剪取遮牀頭城中盡是樓上樓誰念中
宵沾濕愁

促織

快織快織兩日催成絹一疋嚴霜凍栢風斷機不辭深夜了殘機便從燈下試刀尺寄到邊城猶怪遲

螺贏

類我類我休忘字卯聽我教誨勤願爾假作真恩同骨肉長相親莫學人家放蕩兒少時父母長路歧

題畫馬

晚向天門立仗歸驕嘶誰與脫金鞵鑾輿近日布巡幸

閒放春堤首蓓肥

題松鶴

長松風入漱雲濤
老鶴離巢刷羽毛
夜半道人騎過海
一輪秋月碧天高

題宋徽宗畫竹

宣和殿下碧琅玕
月影風聲豈耐寒
一自江南栽老檜
誰將消息報平安

題畫

金匱要略卷之六十一
溪頭春水碧粼粼
溪上春山絕點塵
不信白雲都占盡
也應茆屋有閒人

李悌謙

東門行

朝入東門城
試作東門行
東門小吏打道開
馬前高喝將軍來
將軍馬上錦繡袍
妙年三十纔向高
自信勲勞邁
頗牧常將意
氣凌蕭曹
紫騮一足
天子賜新韉
金鞍搖玉轡
腰下長懸兩石弓
腹中豈貯三千字
清時校獵

城南隅旌旗蔽野人塞途一時蒼黃爪牙奮百里飛走
影響無歸來升堂設綺席列坐擊鼓吹笙竽金鳳釵橫
翠翹起嬌娥雙雙顏色都藏鬪呼取銀錯落按節舞蹈
紅糴榆蠟炬高烧白於晝樂事已徧清夜徂君不見窮
巷書生讀書苦一生身被儒冠誤不思學劍求出身閉
門猶擬長楊賦

擬古二首

驅車送君行送君長亭道落日照道周君行何草草結

交既已晚相去一何早世路多險巖君身詎能保別時
春草深于今已枯槁思君衣帶緩憶君容易老願為雙
鴻鵠翻飛入穹昊

盈盈樓上女皎皎揚青眉向天掩淚啼恨深人莫知我
本良家子誤適商人兒商人但趨利不識生別離前年
販茶去海角復天涯今年未有書歸期復何時

王淮

桃源行

武陵十里桃花水，遙接仙家洞天裏。
桃花不隱洞中春，引得漁郎來問津。
洞中牆屋開村落，石田沙田足耕鑿。
陰連綠樹晝昏昏，鳴鷄吠犬東西門。
漁郎相見驚相語，共問今朝是誰主。
秦家虐焰逐飛烟，司馬獨主江南天。
尊前論罷長歎息，醉掩松窗卧苔石。
明朝出洞歸故鄉，回首萬壑雲茫茫。
山中此景知無有，千載詞人說盈口。
我欲携書上釣船，洞口去覓桃花源。

秦女吹簫曲

翠鬟二八秦宮女學得吹簫作鸞語芙蓉帳暖護春香
十二樓頭弄雲雨簫聲飄飄度彩霞好風送上仙人家
仙人特遣雙鳳下載入秦宮看桂華桂華零落秦宮冷
十二樓頭空月影寒螢夜夜斷人腸雙鳳不來雲路長
清樂軒

無心涉是非水屋掩柴扉俯檻池魚躍開門野鷺飛松
花釀臘酒荷葉補秋衣向晚看山去孤筇步落暉

田家

流水遶柴門門前小徑村棘籬喧鳥雀桑野散鷄豚午
竈黃梁熟春缸白酒渾田翁無少事閒坐弄諸孫

雪中懷故人

丘壑誰為伴相携獨有君出門深雨雪極目限江雲白
髮空年邁青燈坐夜分歲闌相憶夢只在剡溪濱

元宵踏歌

梅花雪洗香塵陌柳淡官橋春一色家家對月賞元宵
火樹鼇山高百尺九街簫鼓沸春聲燈下女郎連袂行

唱盡開元太平曲月輪已過西樓楹

中秋懷吳廷珪

秋滿瑤臺夜未央美人何處醉傳觴
烟霞城郭山光霽風月樓臺水氣涼
簾捲桂花香滿席屏開梧葉影侵牀
紫簫吹斷霓裳曲鶴在遙林夢正長

章珍

艷歌行

和風散晴靄冷露晞春陽步出閨中
姝采撷陌上桑冶

容事窈窕穠艷飄芬芳髻擁黃金釵耳垂明月璫湘綺
以為衣紫羅以為裳使君愛青年下馬揖紅粧為言孤
鳳鳥欲效雙鴛鴦妾身名家女夫婿侍中郎豪氣萬人
上美軀七尺長朱門白玉階錦鞍青絲韁爾今在長坂
妻亦守空房游俠恐相繼能忍容為娼

良人

良人越關河歲月忽已久灼灼庭中花苑彼庭前柳春
陽被萬物芳草亦合歡如何遠別離長江路漫漫漫漫

金匱要略卷三十一
江河長迢遞不可逾相思發長歎視我明月珠

贈所知效陶體

峩峩青山下小屋十餘間禾黍滿東臯桑麻翳後園日出讀我書日入高枕眠相知無心曲惟此門前山好鳥歸深林白雲宿層巔陶然得真趣悠悠樂吾年

擬唐陳伯玉度荆門望楚

亂峰前路迢旅况正紛紛落日荆門望青山楚國分孤城連郢樹獨棹入蠻雲誰念天涯客西風見雁羣

欽定四庫全書

石倉歷代詩選
卷三百六十一

落日青山屋後看，鳥下閒庭秋草綠。
猿啼孤館曙鐘寒，所思只在溪南路。
尊酒論文會獨難。

題山水圖

南山春雨晴西溪，春水滿孤舟。
釣夕陽沙明綠蒲短。

夜宿武陵南山懷張鳴玉

越客夜向山中宿，風動竹枝鳴珮玉。
攬衣起坐不見人，江上月明江水綠。

張景

擬曉發五溪

舟發川中路孤吟背夕曛
秋聲巫峽水暝色夜郎雲
野店青山繞溪橋綠樹分
採菱歌棹遠風靜有時聞

劉生

不事魯儒文談兵動主君
開弓學明月射雁落黃雲
桃葉迷歌扇榴花醉舞裊
遨遊五陵地結納李將軍

懷張二璟

別後令人憶舊歡
盍簪林下恣盤桓
西風黃菊籬邊坐

欽定四庫全書

石倉歷代詩選
卷三百六十

早

雲開日色兩峰晴
葛洪井上烟霞古
顧況臺前草樹平
臨眺不須論往事
故鄉回首獨含情

聽鶯曲

默坐湘簾垂啼鶯在高枝
初啼君已去再啼君不知

詹復禮

賦得鬱鬱園中柳送行人

鬱鬱園中柳芳姿
藹晴曦春風動微和
零落多華滋皎皎
皎揚素花濯濯垂
繁枝同袍戒嚴裝
奄忽與我違焉知

挽宋龍州先生

慄慄北風勁百草腓且僵白日失中舍慘澹寒無光漫
漫愁思多激烈歌聲長浮雲結重陰俛仰內自傷揮劍
出長坂我馬玄以黃川流移東溟葵藿傾太陽端居顧
安適誰能履周行崔崔玉山岡孤墳鬱蒼蒼猗猗蕙蘭
花千古含芬芳

秋日宴海昌硤石東山

東山此日會儒英霜落天高秋氣清風度鐘聲諸刹近

遠行邁欲好不終期攀條聊以贈悠悠起遐思

妾安所居

憶昔初嫁時人言妾有家修眉橫遠山芳姿玉無瑕
燕婉誓偕老合歡良莫加胡為輕別離各在天一涯
昔為珠與玉今為泥與沙兔絲倚蓬草離離顏色好
小物若無情生榮死同槁君心不可知妾心無改移
中途歸無廬惇惇安所居

雨雪曲

朔方九月先雪飛旌旗慘淡無光輝沙場萬里杳無際
黃雲不動西風悲軍容肅肅壯前驅寒威冷冷生鐵衣
君恩未報敢忘死櫓槍掃盡終當歸

余諡

送袁從事

西風送客大江邊興盡離杯沸管絃許國共懷蕭相業
乘時獨羨祖生鞭三秋驛路青山外萬國關河白雁前
此去功名須努力高堂華髮待流年

分詠華山送張伯仁之峽

太嶽崢嶸仰萬山
憐君此去重躋攀
烟霞長繞三峰外
日月平臨一掌間
沙塞北來連漢時
河流東去帶秦關
洞中若有希夷在
為我殷勤問大還

賦得金羈絡駿馬送周司務出使還京

君王舊賜五花驄
金絡銀鞍氣象雄
霧鬣飛揚開大道
霜蹄騰踏起長風
九霄紅日天顏近
萬里青雲輦路通
四牧歌闌恩賜後
玉珂明月下南宮

大聖樂

聖皇御極開太平兩階樂奏中和聲拊然擊石誕文明
玉戚朱干昭武成九歌九德咸休徵百獸率舞殷神靈
盛時制作需股肱后夔佇侍鈞天庭

周普

懷友

故人別去一春深地北天南魚雁沈夢逐蝶魂迷草色
愁憑鶯語訴花陰風回別徑冀三落烟鎖閒門柳十尋

獨有離懷禁不得倚闌長對碧雲吟

渝洲王仲禮水竹居

新構華軒俯碧流萬竿脩竹共清幽
濃陰覆處開棋局疎雨晴時引釣舟
隱隱月明湘浦夜蕭蕭風起渭川秋
於今聖代無遺逸未許林泉到白頭

秋思

露下蘭無香風高葉初墜空庭不見人
落月照孤坐

洪性

擬古

青青巖畔松苑苑山上栢矯矯含貞姿交情固金石盈
盈苑中花灼灼誇顏色翩翩游俠兒看花滿街陌紛紛
艷綺羅輪蹄密如織高宴動歌鐘歡娛每終夕好花忽
凋零寂寞稀人迹願崇歲寒節矢心終不易

邊城出獵圖

白草秋高塞馬肥朔風捲地黃塵飛黃塵萬里暗金微
冰天白日寒無輝單于號令急傳箭指揮部落連長圍

旌旗列繞陰山側身騎駿馬交鳴鏑野獸成羣時正饒
擊狐射兔寧遑息霜氣寒嚴弓力強嵒然仰落雲中翼
臂上蒼鷹初解絛勁秋六翮鋏如刀鉤爪金眸意氣豪
橫身縱擊搏空高桑乾水冷冰初合黃雲徧地層陰匝
老上急徵左右王列騎寒郊相會獵貂鼠黃羊鞍畔懸
反辣酥香滿裊榼昭君馬上彈琵琶聲聲哀怨空思家
雙啼雨淚沾襟袖愁聞處處吹邊笳羶毳往來依水草
穉駒慣識居延道回頭北斗南方看牛酥馬酪塞門老

中原邊關昔脫局
漠南近地皆龍庭
只今聖代昭文明
太平稀見塞外形
此圖相傳二百載
趙君妙蹟今猶在
羞聞紅粉去和戎
披圖一見翻成慨

題靜閒房

松老真僧臘清居
屋數間庭看芳草
合門掩落花閒世
事隨流水禪心對
遠山有時飛錫去
仍共白雲還

龍岡夜月

龍岡岡上月華明
桂影星河入望清
玉宇瓊樓秋萬頃

銀盤永鑑月三更色添庾嶺登臨興光動袁宏獻詠情
迴望嫦娥天路遠乘槎直欲犯長庚

題蘭

楚苑光風暗轉魂江蘿從此怨王孫九歌不盡當時意
還向瑤琴曲裏論

宋恢

寄洪郎中

瓊林有鳴鶴皎皎霜雪姿飄飄奮遐舉雲程揚羽儀朝

飲玉池水夕啄玄圃芝音聲振千仞逸響聞天達靈雛
善相和好爵心所縻安得晨風翼萬里恒追隨

訪楊維立進士留贈

虛齋坐岑寂幽懷曠難任美人久不諧紆鬱傷我心出
門愛春熙灌木鳴珍禽輕舟溯長川弭棹楓江潯高扉
俯流水山樹蔭成陰山堂愜良晤載聆金玉音韋布分
樗散幸茲挹華簪芳筵晃銀燭暢飲樂且耽悠然寫餘
興歎咏鑑瑒琳啓戶夜何其天漢迴箕參職思慎毋荒

先哲有遺箴枕籍甫云覺晨鷄徹雲林

王潤

題畫

風景蒼茫地人家遠近烟雲低長碕樹江闊欲吞天白日消棋局青山落釣船平生蕭散意對此轉堪憐

小艇

故人尋舊約小艇作行窩天影波千頃蘋香雨一蓑霞明紅葉艷山近白雲多落日滄江曲離愁奈爾何

舟中

旅宿孤舟裏寒燈對客愁江山今夜月風露一天秋水
白蒹葭渚霜清杜若洲明朝尋舊約來此狎盟鷗

漁舟

時常出沒不知秋半世生涯在碧流網曬斜陽紅蓼岾
蓬推明月白蘋洲逍遙或傍嚴陵釣放浪還隨范蠡遊
借問箇中誰是伴沙鷗忘我我忘鷗

落葉有感

春風玉樹錦成機轉眼秋風葉已飛落日荒庭人不掃
相看搔首思依依

雁拖秋影動金甌隔樹鉤簾一葉飄身在河汾多少思
青山雲掩玉人遥

閨夢

燒殘銀燭繡房深簾外春寒入翠衾夢裏不知離別後
笑援雙帶結同心

涼沁紗幮茜茜風簾紋斜印玉肌紅覺來淚滴鴛鴦錦

一段雲情似夢中

月過銀屏映象牀
秋風微透越羅裳
無端一枕相思夢
為雨為雲總斷腸

流蘇寶帳錦綰陪
侍女添香夜幾迴
孤夢豈知冰雪積
冒寒猶自過陽臺

題畫竹

曾見東籬立曉霜
一枝巖傍拂溪光
等閑得製伶倫管
吹落梅花幾夕陽

朱彥昌

松亭

窗戶通雲氣
藤蘿補屋茆
欲符丁固夢
故結謫仙巢
春釀花為酒
時殄葉作穀
擬從風月夜
共聽響生匏

桐江釣隱

富貴非吾願
烟波足自娛
西風雙鬢短
夜月一身孤
野棹時時鼓
村醪日日沽
不知江海上
曾有故人無

贈道會涂志清領職歸宜黃

羽衣來自五雲端
敕賜黃麻墨未乾
梅福南昌成吏隱
葛洪勾漏本仙官
一聲白鶴橫江夜
三尺青蛇出袖寒
歸到鳳山春滿屋
絳桃花發繞江干

楮被

一幅真純織不成
寒波濯滌絕纖塵
白雲影落茆簷夜
晴雪光涵斗帳春
擁鼻想無天上夢
禦寒偏濟世間貧
要知誰與同清苦
窗外梅花是故人

題桃源圖

當時秦鹿走中原天下紛紛孰可論黔首已沾新雨露
白雲猶隔舊乾坤水流花謝長三月犬吠鷄鳴自一村
我昔荊湖詢往事茫茫烟浪幾黃昏

悼鶴

仙禽羽化入冥冥空想飛魂尚在陰赤壁江寒那有夢
青城天遠杳無音忍言骨骼堪為笛每動心情肯劈琴
愁殺山人眠蕙帳夜深誰伴野猿吟

陳週

寄長兒棖

汝昔洪塘別我去流鶯四轉庭前樹睽離浮世事多違
蕭颯高堂髮如素鴻雁南飛屢得書鵲行喜汝追雲衢
叨陪史館愧班馬須匡盛時如唐虞前年孫枝條驚折
百結愁腸淚交睫今年蘭玉未生香三復螽斯情內熱
田家荒埆農多事督耕畝畝聊婆娑席門時屈長者轍
拙書莫換山陰鵝爾家兄弟痴無匹耽睡日高事遊逸
徒誦淵明責子詩終起仲由風樹戚戚來欲挈爾妻孥

束裝將發仍躊躇已裁尺書寄雙鯉蚤看賜省歸庭除

寄尚幹林昌達

惜子青山陰榮親志尤篤喬木幾多家孝友誰能復羨
君孝友人共賢禮門義路恒周旋垂帷不下董子志泣
血蚤悟高柴天邇來客到文峰下秀色森森自天瀉飛
瀑聲中魂欲銷哀猿啼處情堪寫此行亦作鹿門遊白
眼箕踞輕王侯閒雲獨樹氣晻曖綠蘿翠蓋風颼颼憶
昨相逢今幾載結交未盡平生愛長者車迴門巷稀鬢

毛已改丹心在祇今明詔徵巖阿衰麻卸却寧蹉跎君
不見東山謝安久不起獻傲可奈蒼生何

又

梅風吹雨亂山陰卻望山頭見客心繼業當傳麟史學
思親應廢蓼莪吟閒雲引水通蔬圃卜地誅茆傍石林
誰謂李生盤谷遠籃車早晚一登臨

陳栖

遊常思寺

興逐東風覽物華
春遊隨步到禪家
窗含疊嶂松留鶴
路入重林屋傍花
聽法偶來尋杖錫
敲詩相與坐烟霞
山童知我遠來客
燒竹炊烟正煮茶

棠梨畫眉

東風昨夜動微和
一樹紅梨簇錦柯
莫戀枝頭紅粉態
王孫挾彈醉來過

陳燿

和文厚弟除夜迎春韻

沈醉燈下歸春夜欲除夜要舉迎春卮瓦壺不堪瀉緬
彼荆樹枝臨霜未凋謝蘭玉生庭除書香豈應罷陽回
宇宙初雪響紗窗下青草生夜塘夢中倏驚訝感此惠
連詩千金重光價咫尺叙連枝相於脆霜蔗餘酥擁寒
爐莫忘舊同舍

題山水圖

築室武陵溪溪村綠樹迷人尋芝朮去松借鶴猿棲問
訣維仙棹看山倚杖藜披圖豁心目吟度石橋西

送文用第起取之京

同氣復同襟相看韻轉深
鷓鴣甘枳棘鸞鳳協韶音
便道嫋嫋好聯牀風雨靈
舊時袍笏在還汝繼朝簪

重光堂為林元美太守題

青春入仕老歸田况復恩光握暮年
赤帶有花新進秩
虎符分竹舊推賢
林間白髮懷多寵
籬下黃花晚更妍
回首五雲何以報
碧梧丹鳳正高騫

次韻送鄭文玉之春官

梧竹深叢彩鳳棲扶搖直上碧雲梯青樽祖帳開懷別
遠道河橋信筆題淮水晚風三疊浪黎關夜月數聲鷄
遙知獻罷天人策春滿瓊林醉似泥

平山懷古次林內翰韻

粵山深處赤龍遊國步艱難到此丘瘴雨愁雲迷舊壘
紫宸黃閣在孤舟昏昏海色銷王氣岌岌南冠學楚囚
却歎鼎湖龍去後萍踪又逐水東流

遊後樂亭

一亭愧比子雲居為愛山泉引舊渠詩客坐留花下榻
茶烟吹起竹邊厨半簾涼影翻荷蓋幾樹濃陰隱木奴
安得元方歸畫繡共吟池草倒銀壺

寄文用節推

落葉愁分幾度秋懷人長夜上東樓潮陽浪說八千里
治化今推第一流瘴海烟消山有色黃堂春暖獄無囚
不知詩酒絃歌處還憶聯牀風雨不

文用推南臺侍御用韻寄賀

東樓歡會付空言
詎重連枝豈異根
拜命恩隨驄馬客
鍾情目斷鵲鴿原
清風帆掛清江浦
白簡霜飛白下門
最是舊京人快覩
多冠三世太丘孫

竹坡

八面山前八畝坡
若人種玉已成窠
孫枝武接王猷興
霜操聲傳衛澳歌
月色到簾鸞鳳起
風光入座管絃多
他時雷雨湘江夜
爭看蒼龍躍海波

卜山草堂

卜山深愧午橋莊一曲江村一葦航每憶西軒話尊酒
故瞻北斗列文昌烟蘿石上春如昨桃李門前舊有香
最羨竹林留詠後草堂夜夜燭奎光

文用更新涵碧亭病起遊覽不遇

扶策重登涵碧亭繡衣更創郡侯銘一塘新水迴春草
萬古文峰列畫屏綠酒青尊珠履客光風霽月綺窗櫺
夜來夢得新詩句飛揖沙頭喚鵲鵲

詠文靜東山別墅

金瓶梅詞話卷三十一
惠連新構子雲居景占東山勝孟諸談謔四隣千畝稻
招尋羣從一溪魚丁丁谷口樵薪爨乃乃林頭牛角書
取醉不須携妓樂堦簾叶奏更何如

水心亭四景為文用題

銀河倒瀉玉壺秋百道清泠晝夜流一曲小池通混混
濯纓人在鏡中遊

金鷄高奮九霄翰飛落人間岱頂山五色嵐光何處著
淡烟疎雨卷簾看

何代靈龜下石潭古藤疎竹小溪南清光倒浸玻璃影
剩照霜前顆顆柑

上方層閣枕溪潯潮送鐘聲出梵林斜日半村僧定晚
高人從此滌塵心


中秋聞文用弟有浙江清戒之命喜而賦此

玉壺寒露耿清秋執法星搖屬馬周咫尺賓山樓上月
晴光照徹越吳州

谷宏

行經華陰

雲間太華倚三峰積翠遙連渭水東
遼塞雁聲寒雨外離宮草色暮烟中
秦關日落行人少漢時天陰古戍空
寂寞武皇巡幸處祠前木葉起秋風



石倉歷代詩選卷三百六十一

欽定四庫全書

集部

石倉歷代詩選卷三百六十五

二至

詳校官編修 臣謝振定

侍讀 臣孫球覆勘

總校官進士 臣朱

鈐

校對官編修 臣盧

燧

謄錄監生 臣趙希濬

欽定四庫全書

石倉歷代詩選卷三百六十二

明 曹學佺 編

明詩初集八十二

瞿佑

字宗吉錢塘人以薦歷仁和臨安教諭陞周府右長史有存齋詩集

春愁曲

杏雨調泥隨燕嘴煙重柳條扶不起採香蝴蝶掛蛛絲
不惜將身為花死東風入幕動流蘇寶篆燒殘睡鴨爐

綉牀塵積錦機怨巧語誰能憑紫姑小研吳牋雙鳳翅
墨痕濃沁相思字玉釵半脫怕蒙頭寬盡玲瓏金纏臂

折花怨

雙飛蝴蝶翻金粉風裏流鶯棲未穩銀瓶汲水漾漣漪
下階自揀珊瑚枝雖然得入華堂裏未必春光願如此
樹頭花落還結子瓶內明朝抱香死東風一樣發陽和
豈知中道有蹉跎人生輕出棄根本失枝落節將奈何

故宮歎

金輪夜半北方起炎精未墮光先已青衣去作行酒人
泥馬來為失鄉鬼江頭宮殿列巔岼湖上笙歌樂宴安
魚羹自從五嫂乞殘酒却笑儒生酸格天閣上燒銀燭
申王計就蘄王逐累世內禪諱言兵中興之功罪難贖
開邊釁動終倒戈師臣函首去求和木綿庵下新鬼哭
誤國重逢賈八歌琉璃作花禁珠翠上馬裙輕淚粧媚
朔風吹塵笳鼓鳴天目山崩海潮避往事興亡誰與論
亭亭白塔鎮愁魂惟有棲霞嶺頭樹至今人說岳王墳

舊鏡嘆

美人在時對鏡粧
美人去後鏡無光
玉臺零落白鳳凰
錦囊拋擲紅鴛鴦
夜深喑喑聞鏡語
何不持掛墳前樹
新人新鏡自相宜
舊物荒涼無所依

義士行

鍊金鑄范蠡買絲繡
平原逝者恐無知
徒用勞心魂吾聞
食主祿終當與主
同禍福又聞著主
衣豈忍為人作
光輝任安念舊不
改輪豫讓報讐須
殺身酒不必澆劉

伶墳上土劍不必掛徐君墓前樹感君恩重死相從冥
漠重泉有逢處

看燈詞

十三
首

東家砍竹縛山棚西舍邀人合鳳笙官府榜文初出了
今宵喜得晚來晴

都司煙火揭高竿萬斛珠璣撒玉盤看到頂頭齊唱采
紫葡萄上月團團

南瓦新開影戲場滿堂明燭照興亡看看弄到烏江渡

猶把英雄說霸王

銷金小傘揭高標紅藕青梅滿擔挑依舊承平風景在
街頭吹徹賣餚簫

傀儡裝成出教坊綵旗前引兩三行郭郎鮑老休相笑
畢竟何人舞袖長

寶蓋高懸畫閣深生紅繡帶細描金就中好箇流蘇結
萬轉千迴共一心

香帶交垂八尺高紅燈影裏見絲毫傍人總道工夫巧

一月香閨弄剪刀

女伴相邀趁晚晴暫離粧閣步輕盈當街怕有巡軍見
只向齊簷屋下行

隨分梳粧淺淡衣像生花朵鬧蛾飛年時也有燒香願
同上吳山及早歸

百媚懷春不自由好粧金屋貯風流誰教誤向燈街見
斷送癡人死未休

風簾珠翠動紛紛笑語聲喧隔戶聞明月滿街天似水

不知何處着行雲

文錦坊西後市南
鬧竿挑過百花籃
少年遊子誇輕俊
拾得雙頭碧玉簪

村裏兒童暫入城
隨羣齊上大街行
歸來徹夜渾忘睡
從此春田懶去耕

西湖四時曲

西湖景春日最宜
晴花底管絃公子
宴水邊羅綺麗人
行十里按歌聲

西湖景夏日正堪遊金勒馬嘶垂柳岸紅粧人泛採蓮
舟驚起水中鷗

西湖景秋日更宜觀桂子岡巒金谷富芙蓉洲渚綵雲
間爽氣滿前山

西湖景冬日轉清奇賞雪樓臺評酒價觀梅園圃訂春
期共醉太平時

姮娥奔月

一九靈藥少人知竊去應無再得期后羿空能殘九日

那知月裏却容私

龍女傳書

海水桑田事可哀
神仙只合住蓬萊
曄曄暫露纖纖手
勾引閒人背癢來

織女牛夫

錦機停織動經秋
恨逐銀河一水流
人世底須爭巧拙
乞來何不妮牽牛

王母仙桃

周王漢帝總成空未及桃花一度紅
殿上小兒差耐久
等閒三入果園中

后土瓊花

阿武臨朝若鬼神春風屢動壁衣塵
唐臣不敢揚君醜
移謗瓊花觀裏人

洛神凌波

採珠拾翠故逡巡虛惱陳王賦感甄
遠與驚鴻踏波去
望中猶想襪塵輕

毛女成仙

童女樓船去不歸三山何處覓靈芝神仙只在秦宮裏
底事君王却不知

則天春思

朝罷金輪出上陽詔書火急報春光苑中謾有千紅紫
不及蓮花似六郎

飛燕掌舞

雉扇霓旌錦作圍避風臺冷不勝衣身輕每欲隨風去

追逐花間赤鳳飛

阿嬌金屋

咫尺長門有別離
君心寧記主家時
黃金作屋成何事
只辦相如買賦資

武靈白華

洛苑中間楊白華
隨風飄泊向天涯
悲歌未斷腸先斷
日落長秋起暮鴉

戚姬臨池

鴻鵠歌殘事已危
空將趙國付期期
主張一子猶無策
底用重臨百子池

馮媛當熊

黼座臨軒寶扇開
綠何驚獸忽驚猜
若非白日將身試
安得黃昏入夢來

西施含顰

捧心嬌態黯如愁
長使東鄰欲效尤
豈是預知亡國禍
含情終日在眉頭

韋后雙陸

生世重逢天日開
忘情為樂竟為灾
局中勝負誰能決
直待臨淄白刃來

良姊擣蒲

玉帳軍中寢未安
樹鷄刻子打牙盤
一籌博得尊翁意
特賜成都七寶鞍

唐兒薦寢

宮車乘夜暫相過
豈是偏承雨露多
莫笑長沙封境俠

諸孫能復漢山河

陳女更衣

相逢草草在花陰
抵死徒勞力拒深
留取佳人今夕在
縷金盒裏結同心

杏娘拆字

懊惱宮中十八娘
莫將體字戲評量
等閒一畫輕移動
勾引真人出晉陽

乳母回顧

襁褓恩深遽改圖懷中寧乳泣呱呱漢王自有金莖露
不識胡兒塞上酥

瓊瓊玉笋

鈿蟬金鳳謾紛紛一曲誰能月下聞惟有崔生偏入耳
嬌聲近在研羅裙

師師檀板

千金一曲擅歌場曾把新腔動帝王老大可憐人事改
縷衣檀板過湖湘

冀妻墮髻

跋扈將軍擅國綱夫人狐媚亦專房狂奴戲奪鸞篦去
故作風流墮髻粧

官妓侍僧

暴國狂君意自迷更將魔女惱菩提上人一語自解說
曾見青蓮出淤泥

碧玉赴井

一入朱門便不歸銀屏寂寞鳳凰枝欲知碧玉心中事

請看香羅帶上詩

文君當壚

一曲絲桐解誤身
辭家奔走逐風塵
臨邛市上旗亭側
多少停杯送目人

朝雲誦倡

春樹紅顏一擲梭
六如倡裏暗消磨
主翁不悟榮華過
一笑重煩春夢婆

盼盼燕樓

亞父塚前秋草合
虞姬墳上暮雲愁
如何一片彭城月
只照張家燕子樓

瑞瑞雪嶺

二十四樓燈市月
千三百里錦帆風
何如雪嶺花偏好
高壓揚州芍藥紅

柳氏重歸

舞徹腰肢擅物華
風流只合在詩家
韓郎可是攀來慣
他日重吟御柳斜

紅線仙俠

兩鎮交歡信使馳紅顏一出勝全師
魏州驚倒田承嗣
不敢重留外宅兒

李娃念舊

故人一別負佳期
飢火燒腸凍不知
須念往年行樂處
寶鞍三墮曲江池

春鶯囀曲

停驂惆悵惜芳時
嶺海歸來兩鬢絲
縱使鶯聲如舊好

綠楊都是折殘枝

薛濤綵牋

小樣鸞牋製造殊寄來多附錦江魚
枇杷花下門扉掩
贏得人稱女校書

館舍書事

過却春光獨掩門
澆愁漫有酒盈樽
孤燈聽雨心多感
一劍橫秋氣尚存
射虎何年隨李廣
聞鷄中夜舞劉琨
平生家國縈懷抱
濕盡青衫總淚痕

題和靖墓

詩落人間有墓存
誰歌楚些為招魂
愁連芳草春無迹
吟斷梅花月有痕
華表柱存遼鶴返
少微光竇楚天昏
生芻一束人如玉
想像高風酹酒樽

汴梁懷古

歌舞樓臺事可誇
昔年曾此擅豪華
尚餘艮嶽排蒼昊
那得神霄隔紫霞
廢苑草荒堪牧馬
長溝柳老不藏鴉
陌頭盲女無愁恨
能撥琵琶說趙家

過宋陵

陳橋驛畔勢倉皇，點檢歸來作帝王。
玉斧不揮螳後雀，朱牌只寫火中羊。
早知金幣無誠約，何必珠襦有慢藏。
泥馬南來成底事，江邊白塔更淒涼。

白燕

脫却烏衣絕點瑕，銀屏珠箔舊生涯。
玉京老去妝初改，王謝歸來鬢已華。
避雨有時粘柳絮，夢雲何處認梨花。
飛瓊不向瑤臺去，却入尋常百姓家。

鳳仙花

金盆玉露搗仙葩解使纖纖玉有瑕一點愁凝鸚鵡喙
十分春上牡丹芽嬌彈粉淚拋紅豆戲掐花枝鏤絳霞
女伴相逢頻借問幾回錯認守宮砂

熨斗

有柄何曾挹酒漿隨時用舍屬閨房斡旋天上陽和氣
平帖人間錦繡香翠袖捲紗移玉釧金篝分火近牙牀
衣成遠寄征夫去印顰何時肘後黃

玉簪花

白露初凝氣候涼
花神獻寶助新妝
移來銀色三千界
壓盡金釵十二行
秋水為神冰琢骨
龍涎作炷麝傳香
不須石上憂磨折
長在佳人髻髻傍

殘蝶

飛鳥曾聞載鬼車
粉香何事亦隨邪
傷生不惜身投火
抵死猶將命乞花
望帝精靈枝上血
韓憑魂魄墓前沙
一般有恨難消滅
夢裏相逢更可嗟

石倉歷代詩選卷三百六十二